



NORMAS E INFORMACIÓNS PRÁCTICAS PARA O ALUMNADO SOBRE A APLICACIÓN DO PLAN DE ADAPTACIÓN Á SITUACIÓN COVID-19

USO DE MÁSCARA

O uso de máscara é obrigatorio para acceder e permanecer no centro.
A máscara deberá utilizarse correctamente, cubrindo nariz e boca.

CIRCULACIÓN E FLUXO DE PERSOAS NO CENTRO

PUNTUALIDADE

A puntualidade é importante para evitar atrasos e irregularidades no cumprimento do protocolo.

ENTRADA

O acceso farase pola porta principal do edificio e camiñaremos pola nosa dereita.
O acceso ao primeiro andar (aulas 7-9) realizarase pola entrada principal, subindo pola escaleira do vestíbulo. Evitaremos usar as escaleira interiores do edificio.

AGARDAS

O alumnado debe agardar no exterior do centro ata instantes antes do comezo da súa clase. O alumnado entrará ao centro de un en un á hora exacta indicada polo docente, evitando permanecer nos espazos comúns do interior do edificio.
Os corredores non poden utilizarse como lugar de agarda.

SAÍDA

A saída debe ser ordeada e continua, de un en un, gardando a distancia de seguridade, seguindo o mesmo percorrido que á entrada e camiñando pola dereita.

VENTILACIÓN

Cando haxa clases consecutivas na mesma aula, o profesorado debe ventilar o espazo durante 5 minutos antes da finalización da clase e 5 minutos antes do comezo da seguinte (polo menos 10 minutos de ventilación).
Débese realizar ventilación cruzada (xanelas e portas abertas en lados opostos para provocar fluxo de aire).
Non hai obriga de ter as xanelas abertas todo o tempo, aínda que sexa unha medida que favorece a renovación do aire. No caso de temperaturas invernais, é posible realizar un maior número de ventilacións de menor tempo (cada 15-20 minutos, 2-5 minutos de ventilación) en lugar de ter as fiestras parcialmente abertas todo o tempo.
A entrada dos grupos debe ter lugar tras a ventilación da aula.
Os grupos con clases de máis de 2 horas deben realizar un intervalo para ventilar a aula.
Na medida do posible, as xanelas e portas das aulas permanecerán abertas mentres dure a clase.

HIXIENE DE MANS

É obrigatoria a hixiene de mans na entrada e na saída da aula.



MATERIAIS E UTENSILIOS DAS AULAS

Os utensilios da aula (interruptores de luz, xanelas, mandos, dispositivos electrónicos, borrador, pomo de portas, etc) deben ser manipulados exclusivamente polo profesorado. Os colgadoiros e paraugueiros non se poderán utilizar. O alumnado deberá utilizar o respaldo da cadeira para colgar as súas pertenzas. É necesario traer unha bolsa de plástico grande na cal depositar o paraugas os días de chuvia. Profesorado e alumnado deben hixienizar mesas e cadeiras antes de seren utilizadas. O profesorado pulverizará mesas e cadeiras co produto hixienizante correspondente. O alumnado debe completar a hixiene do seu posto co papel absorbente dispoñible para tal efecto. Os pupitres deben permanecer orientados cara ao encerado ou á mesa do docente para respectar a distancia de seguridade esixida. Non é posible cambiar a colocación ou disposición dos pupitres. Ao finalizar, a aula debe quedar recollida e limpa, sen papeis, residuos de goma de borrar, apuntamentos etc.

CONTROL DE ASISTENCIA E DISPOSICIÓN NA AULA

O alumnado terá un posto fixo na aula desde o primeiro día. O profesorado levará un control da asistencia e da disposición na aula de cada alumno/a. Non é posible superar a capacidade máxima permitida de cada aula en ningún caso.

DATOS DE CONTACTO

Os datos de contacto do alumnado utilizados para realizar a matrícula deben ser confirmados con cada docente o primeiro día de clase.

AULA COVID DE ILLAMENTO

Existe unha aula de illamento (despacho contiguo ao arquivo, situada na planta baixa) para os casos que inicien síntomas no interior do centro.

SINTOMATOLOXÍA COMPATIBLE COA COVID-19

Se se detectasen síntomas compatibles coa COVID-19 estando na casa, o alumno ou alumna deberá contactar co centro educativo por teléfono (986292812) e informar ao seu docente o antes posible.

COMUNICACIÓN COA COMUNIDADE EDUCATIVA

Todas as informacións xerais serán publicadas na páxina web da EOI de Vigo
<http://www.eoidevigo.org>

ENQUISA DE AUTOAVALIACIÓN CLÍNICA

Debe realizar a súa propia autoavaliación antes de ir ao centro educativo:
https://www.edu.xunta.gal/portal/sites/web/files/enquisa_de_autoavaliacion_0.pdf

RECOMENDACIÓNS

Recoméndase traer pezas de roupa de abrigo os días de temperaturas baixas.

COLABORACIÓN

Solicítase o cumprimento destas normas e a colaboración de toda a comunidade educativa.